

Expositio introductiva

De hominis condicione in mundo hodierno

McGath

65/14A

Sup

4. (De spe et angore) Ad tale munus exsequendum, Ecclesiae omni aetate officium incumbit et signa temporum perscrutandi et eadem sub Evangelii luce interpretandi. Quo fit ut modo unicuique generationi apto ad perennes hominum interrogationes de sensu vitae praesentis et futurae deque earum ab invicem relatione respondere possit. Oportet itaque ut mundum in quo vivimus nec non eius expectationes et appetitiones et indolem saepe dramaticam quibus notatur cognoscamus et intelligamus. Principales quidam huius mundi hodierni aspectus sequenti modo delineari posse~~nt~~. (Sequitur textus ut in pag. 6, linn. 26 - 31 ; postea vero:)

De vera sociali, culturali et religiosa transformatione loqui non dubitent.

(Pag. 7, linn 1 - 12:)

Numquam genus humanum tantis divitiis, facultatibus, potentiis oeconomicis abundavit, dum tamen ingens pars incolarum orbis fame torquetur et innumeri litterarum ignorantia plane laborant. Numquam homines tam acute ut hodie sensum libertatis habuerunt, dum nova interea genera socialis et psychologice servitutis exsurgunt. Numquam mundus suam unitatem nec non singulorum complementariam indolem in ineluctabili coniunctione animorum tam vivide persensit, et numquam sicut hodie, viribus inter se pugnantibus, tam graviter in opposita distrahitur; dissensiones politicae, sociales, oeconomicae, raciales et ideologicae imminutae non sunt (vel "adhuc perseverant"), et aliunde novum bellum cuncta usque ad ima destruere minatur.

Dum conscientia solidaritatis humanae et commercium idearum augetur, verba ipsa quibus magni momenti conceptus exprimuntur sensus sat diversos in distinctis ideologiis induunt. Sedulo temporalis perfectior quaeritur ordination, et ex parte quoque invenitur, vitae autem moralis ratio apud eosdem non raro misere deturpatur. Crescit apud nonnullos religiosae vitae sensus eiusdemque coordinationis atheismus vero altera ex parte sub formis diversis sociale factum evasit.

Ex tot tantisque ^{oppositionibus} immutationibus plurimi coevi nostri difficultatem experiuntur et in perennibus valoribus rite dignoscendis et in novis exsurgentibus integrandis; exinde, inter spem et angorem agitati, de praesenti rerum cursu sese interrogantes, inquietudine premuntur. Qui cursus rerum hominem ad respondendum provocat, immo ineluctabiliter constringit.

Absentia iustitiae
- praesentium
internationali

Terra
mondi

Spes
etiam.